

沙县自来水公司创建五十周年纪念

重修沙县志

洞天岩志

一卷 翁国梁(春雪)撰 根据民国三十三年铅印本重刊

十卷(明)叶联芳辑 根据明嘉靖乙巳年刻本重刊

张卿子 编

海风出版社
HAIFENG PUBLISHING HOUSE

张卿子
点校

十卷（明）叶联芳 编 根据明嘉靖乙巳年刻本重刊

重修沙县志

洞天岩志

一卷 翁国梁(春雪)撰 根据民国三十二年铅印本重刊

张卿子 整理

图书在版编目 (CIP) 数据

重修沙县志·洞天岩志/张卿子编.

—福州：海风出版社，2006.12

(沙县志乘三种)

ISBN 7-80597-649-X

I. ①重... ②洞... II. 张... III. 沙县志—地方志 IV. K295.74

中国版本图书馆CIP数据核字 (2006) 第147465号

书 名：重修沙县志·洞天岩志

作 者：张卿子 编

责任编辑：吴德才

出版发行：海风出版社

(福州市鼓东路187号 邮编：350001)

出 版 人：焦红辉

印 刷：厦门市九洲制版彩印有限公司

(厦门市湖里区枋湖工业区4号厂房 邮编：361009)

开 本：889×1194mm 1/16 11.25印张

印 数：1-1100

2006年12月第一版

2006年12月第一次印刷

ISBN 7-80597-649-X/Z·91

定 价：196元（全套二册）

《重修沙县志》重刊序一

志之体，始自《禹贡》，至《汉书》而直名为志。古之志，载疆域山川，风俗物产；备掌故，存文献，于是乎取；善可劝，恶可惩，于是乎托；上以备国史之要删，下以击一邦之风教。故志为征实之书，朱子谓修志为从政要务，义至大也。然宋明以来，郡邑志乘，流传绝少，实为憾事。

沙县为千年古邑，闽学之邦；地邻七区，位居两市；交通枢纽，八方通衢；物产富饶，百业俱兴；尤以小吃美味，驰誉神州。城市英姿勃发，风光旖旎，人杰地灵，续历史文化之韵，得现代造化之雅，堪为闽中明珠。余以丙戌五月，承乏兹邑，金秋之初，邑之有司向余曰：沙县旧有图志，修自嘉靖，迄今逾五百五十年矣；又有《洞天岩志》，为民国翁君所撰，至今亦五十余年矣。原有成书，五厄三灾，几近绝版。惟收藏故家，仅得阅览。经参核校订，阅数年告成。今时和而岁丰，改成而事集，独旧志多年未刊，此其时也，敢请重刊，并请序于余。余省览其编次，自天时地理，县域疆里，山川城池，公署坊巷，津梁水利，田亩贡赋，户口选举，风俗物产，以迄古今循吏，乡先生懿行，民风土俗之好恶，分门类叙，纲举目张。继自今守斯邑者，借古鉴今，考其川原封域，察其物情风尚，立政宜民，因时损益，亦有所裨益。余既喜斯志之重刊，又乐一邑之山川人物，土俗民情一览在目，故欣然应之也，是为序。

中共沙县县委副书记 沙县人民政府代县长 陈瑞喜

二〇〇六年十一月九日

《重修沙县志》重刊序二

《沙县志乘三种》即将出版，这是一件喜事。我们为沙县庆，也为从事这一工作的同志们贺。

沙县位于八闽腹心地带，以往由于地理和历史的原因，人们知之不多。近20年来，由于新经济项目的崛起、旅游景点的开发、历史名人的宣传，逐渐引人注目，但仍难以窥见全貌。新县志修则修矣，由于部头太大，难以家藏户读，故识者盖寡。因此，人们有理由期盼县内多出翔实而耐读的各种史志、年鉴或简介之类的地方资料，且多一些实在内容，少一点虚饰渲染。以便让人得知实情，而产生向往之心、见识之想，并且在游览之后无虚行之感，其宣传效果岂不大欤！

得知《沙县志乘三种》即将出版，我见猎心喜，遂有先睹为快之愿。今得阅览，其快可知。三种者，为新修《水志》（即《给水50年》）、民国《洞天岩志》、明嘉靖《重修沙县志》。三志虽非纂于一时，且有专志、通志之分，要皆纪实而存史，其资料十分珍贵。人们欲了解沙县地情，追本溯源，温故知新，读此应有所得。故三种志乘可为沙县垂不朽之功德。

当今，修史志而扬地情者不乏所作，要在修者应知“求实存真”之要义。史志无论修新梓旧，皆当注意下笔之审与行事之慎。资料收集、史实记载欲其详；旧志新梓、古文校注求其确。新作出版自是美事，但不应成为憾事。今《沙县志乘三种》即将出版，其嘉惠于地方与民众者必将广大而久远。张卿雄（卿子）君长期致力于此，令人钦敬，故索序于予，义所难却。惟望其于所作，亦能本初衷，而求永效，斟酌郑重，审之细密，质诸高明，以臻美善。寿世行远之作，岂堪率尔忽焉！

福建省文史研究馆馆长 卢美松
二〇〇六年十一月十日

陽公唐書表云其事則增於前其文則省於舊元城
劉氏謂新唐書不及兩漢文章者正在此茲誌也得
無當之然乎夫去其所當略存其所足徵期於信遠
而可鑒矣耳是又在乎後之大夫君子者擇焉矣

嘉靖乙巳五月望日臨橋葉聯芳書



重脩沙縣志序

夫誌所以昭往而鑒來也沙於延邑古且鉅宜有誌
兵火之餘鮮克存者嘉靖丙申前尹方君始聘浙太
學生葉煌氏輯成之觀者謂其不無稍複夫百事曠
典一目舉之斯已勤矣固有待乎後之人也間中反
覆披繹粗加櫛括首圖次星野次疆里次職制次賦
役次學校選舉次秩祀人物文翰而於中各有條目
之別其闡乎民政風紀與夫可以興革而未遽行者
悉加詳考論疏於下定爲九卷比舊去三之一昔

《重修沙县志》序

夫志，所以昭往而鉴来也。沙于延邑，古且钜，宜有志。兵火之余，鲜克存者。嘉靖丙申，前尹方君始聘浙太学生叶娃氏辑成之。观者谓其不无稍复。夫百年旷典，一旦举之，斯已经勤矣，固有待乎后之人也。闲中反复披绎，粗加隐括。首图，次星野，次疆里，次职制，次赋役，次学校、选举，次秩祀、人物、文翰，而于中各有条目之别。其关乎民政风纪与夫可以兴革而未遽行者，悉加详考，论疏于下。定为九卷，比旧去三之一。昔欧阳公《唐书·表》云：“其事则增于前，其文则省于旧。”元城刘氏谓《新唐书》不及两汉文章者，正在此。兹志也，得无肖之然乎。夫去其所当略，存其所足征，期于行远而可鉴矣耳。是又在乎后之大夫君子者择焉矣。

嘉靖乙巳五月望日临桥叶联芳书

旧志序

沙启域于晋寝，盛于唐，至于宋，允臻其极矣。文献之征，宜有足观者。胜国一变于兵，正统再变于寇，灰于毒焰。袭闻私识，仅存线脉而已。三迟方君令沙之三年，政敷化染。始举修创之典。交币于娃，滥以文柄属焉。恳辞不获，乃六月七日，启局于兴国寺，三迟君暨判簿李君躬垂采摭。复广搜于陈乐游上舍，裁正于学谕李君、司训石君、张君。娃又考诸往牒而不谬，质诸清议而无疵，然后载笔于书。五粤晦朔而志成。首三表，次八志，终列传。事有不经者，别志附焉。皆窃用己意，准裁于经史者也。表法于春秋。春秋书正于冠世，书时以纪年，书事以着人。故沿革表世，宦署表年，古今表人，错文以见义也。志法于周典，典有六，曰治，曰教，曰礼，曰政，曰刑，曰事。职官则系治。学校、文翰则系教。选举、星野则系礼。地域、食货、建置则系事。地域有赋焉，以出兵则系政。建置有廉焉，以贮赎则系刑，贯穿以示制也。传法于迁史，迁史易编年为列传，类分事核，昭实录也。志之类为名宦，政之优劣判矣。为道学，为儒林，为文苑，学之偏全别矣。为名臣，为良吏，为仕迹，业之崇卑辨矣。为孝义，为忠烈，为隐逸，为烈妇，为节妇，事之常变见矣。婉言以示戒也。春秋，赏罚之大权，周典，帝王之治法，迁史，是非之悬鉴，皆天下之事，邑之志孰与协焉。昔颜渊问为邦，夫子告以治天下之法，盖出而治民，入而事君，一道也。故汉拜辅相皆自守令。而迁我朝，杨文贞峻位孤卿，犹恨未尝为令。由是推之，斯志也。虽典籍于沙，振纲通会，足以网络天下而不遗不翫。乘事缀言，徒资啖矯焉尔矣。三迟君政人之功，于斯为大。娃也肤学谫识，何足与焉。

嘉靖丙申冬十月望日括苍椒山子叶娃识

后序

周有小史，外史，掌邦国四方之志，所以待王稽古诏地事以知地，俗法甚备也。秦析而郡县之官，遂以废。自是郡国之沿革也，登耗也，人物风俗也，志之者往往纪之、遡之、汇之，是非不一，而古意或离，其可传乎载哉。沙志旷百余年矣，文献莫稽，责纪载者艰焉。司牧既亦以弗胜虑。嘉靖丙申，番禺方侯乃属其事于澍。椒山叶君年鼎。叶君弗克让，遂旁询博考，裁成义类，而又各为表，为志，为论，传以发之。其词易，其事核，其体正，其目疏，婉而多慨，直而不激，正而不迂，通而有则。盖自建置以迄，人物凡若干卷，无纖悉遗，真足追诸古而上下之，亦良志也。事峻，方侯俾系言于末，予惟志之系于治大矣。非知要者，则末务之。方侯莅政之明年，政通人和，首举是典。不惟可以征候之贤，而后之官之者，以图志观域，易简见焉；星土观野，动静具焉；井邑观民，康阜基焉；礼让观俗，道德一焉；保息观政，肥瘠章焉；爱养观疾苦，劳逸行焉。于五行也，而审之；于五用也，而制之；于上小也，而和之；于学校也，思所以兴之；于祀兴也，思所以降之；于选举也，思所以公之；于人物之或否也，思所以贤之，不肖之。因言征善，因善考实，因实责成，则是书之作，其特小补乎哉；用为之叙，观者其永念焉。母徒曰是事焉耳。

嘉靖丁酉正月望国子监典籍前掌邑教李邦光书

凡例

图凡六。县域总图，虽具山川，止标坊都土名。次县城图。次县署图。次县学图。历代沿革各备疏图后，如金陵图考之类。次通县山图。山之有名者，凡道途、市墟、先贤、堂宅、冢墓涉乎，山者皆著。次通县水图，水之有名者，凡桥梁、陂塘、井池、沙滩、矶浅、亭渡涉乎，水者皆著。以便观览。

星野九类。略依天时、地理、人官、治教、报本、功效为序，各有条件，具见目录。九类中，历代沿革以朝代为序，如周、秦、宋、元、国朝，字则用白书，于前更不别为表记，以从简实。

凡所纪载，悉参究典故，每条下疏云出某书传，如朱子言行录之式国朝典故。未备者则稽诸乡老公论。之不容混与夫家集之所可据，以窃附孔子文献足征之。遗意非此者，不敢轻录。

名宦乡贤只据本传。旧志顺朝代录之，不著论赞，使观者自得焉。

名宦列于乡贤之先，亦人物也，不入别类。其乡贤惟以道学、名德、文苑、义节、仕绩、隐逸、贞烈为目，盖人之所造，虽殊要其所就，不能出此数者不多，为名品以省繁复。仙释技艺虽不经小道，然亦不能无故，附于末焉。

文翰如陈公文宣庙记、曹公邓公重修儒学记、胡清献传心阁记、邓公咏归台记、杨龟山了斋祀堂记、林公了斋书院记、李忠定寓轩记、胡致堂义斋记、邓公具瞻堂、国朝倪公重建了斋书院、豫章祀堂、张公、徐公了斋祀堂、黄公新建谯楼、林公学田、王公三节堂诸堂诸记，皆典则可传具录。其遵尧集序、了斋责沉文与兄书及诸贤跋语等篇，具载于二先生文集。乡人自当熟复之。其余敷近不系轻重者，俱不录。

诗如罗豫章、陈默堂、李忠定诸咏各依近体、五七言叙录之。近作简古清逸者，所亦不遗。其浅俗不入诗品者，不敢轻载。

令以下事迹有可书者，据实书之。其嫡累免黜，俱各备著，使览者有所省焉。每职各虚其左，方以俟来者。

前各类凡典故所载及今院司府文移，涉乎民生休戚者，如浮粮、驿传、秋祭、纲银、徭编、料贡、防守、山水夫、寺田之类，悉加检录。民间议有用者，亦录之用备采择。

各类条下有所论著者，必其有关乎因革损益之大者。据事直书，要在简实，不敢繁谀，以眩观者。

乡贤大夫士庶行义已著，而其人尚存未见其止者，俟其诣极，以定后之君子，不据收入。如有事可见者，亦随事直书。

凡建置必重大者，书始书时书人，非此者，止书某年建。

前志前后序文，俱存于卷首，以见当时作者之意。

凡例毕。

录目

1 疆里总图 考

2 县城图 考

2 县治图 考

3 庙学图 考

4 通县山图 叙

4 通县水图 叙

5 卷之一 星野

辰次 气候 岁时 灾祥

8 卷之二 疆里

县域公署 县治 坊都 城池 山川 室宇 坊巷街附 桥井池附 村市墟附 水利 水碓附
风俗 物产 形胜 古迹古书院 堂斋 轩台 亭宅附 馆铺 庙祀 丘墓园 义冢附

32 卷之三 职制

知县 县丞 主簿 典史 六房吏 巡检司 河泊所 税课局 阴阳学 医学 僧会司 寺附
道会司 观附 养济院

41 卷之四 赋役

贡 户口 田粮 均徭 驿传 民兵 府流差 县流差

48 卷之五 学校

庙学 教谕 训导 廪 附学 学吏 乡饮酒 书籍 射圃 社学 乡社 木铎

52 卷之六 选举

进士 举人 贡 例贡 吏 宋诸科 国初诸科 武功 龍封 旌义 期寿

67 卷之七 祀

文庙 乡贤 名宦 城隍庙 社稷 山川 厥旗 了斋 豫章 土地 附里社 乡属

70 卷之八 人物

名宦 道学 名德 文苑 仕迹 义节 隐逸 贞烈 仙释 技艺 附备遗

88 卷之九 文翰


诗 序 记 附制二 道书柬一

107 卷之十 附续

既成续得者，别为此卷。

录目毕

总图一



考


沙故闽越地也。其在三代、汉、魏无考。晋太康四年始，拆（按：“拆”疑为“析”）南平县沙源地为沙戍，籍民版。（按：本志卷二《疆里》载：“晋太元四年置沙戍”。《嘉靖延平府志》卷一亦载为“晋太元四年置沙戍”，此处应为笔误。）宋元嘉中，即其地县之易名沙村。（按：《宋书·州郡志二》记载：“沙村长，《永初郡国》何、徐不注置立”明嘉靖十五年《沙县志序》又云：“沙启域于晋寝”。清顾祖禹所撰《读史方舆纪要》九十七卷载沙县沿革云：“晋延平县地，太元四年置戍于此，谓之沙戍。义熙中升为沙村县，属建安郡，宋、齐因之。隋废。唐武德四年复置沙县，隶建州”，1992年版《沙县志》考证认为，沙村建县时间当为东晋义熙年间，即公元405~418年。）隋改为沙县。寻废。唐武德四年，复置。隶建州，后省入建安县。永徽六年，复置。大历十二年，改隶汀州。石晋开运二年，南唐灭闽，取其地为制置镇。明年，改为建州，乾佑元年，始以其地属。刘汉宋，隶南剑州。元，隶延平路。国朝平陈有定得其地，易路为府，仍为属邑。

疆里分合，元以上无考。国朝洪武初制，南北袤一百四十里，东西广三百五十里。景泰三年，县贼邓茂七作乱既平，拆新岭以南置永安县。故今之县东起青州，西距杉口，南接尤溪，北倚将乐，为坊二，为都二十四，里甲百有七；南北袤如旧，东西袤二百里，为一百五十里，周围袤二百里，为三百里云。参旧志，详见疆里。

县城图三


考

治旧在县东十里，对古铜场，即沙源地也。建于唐武德四十年，至中和四年。崇安镇将邓光布汀州录事摄沙县篆曹朋以其地局山阻地，乃徙凤林岗，即今治也。



故无城，弘治辛亥，都柬李公孟旸言于朝，凡邑当要冲者皆城之。县民请于郡守临视其地，授县令陈君广泰暨摄令顺昌令费君诚继成之。面溪背山，县治据其中；左为司馆，为府馆；左前为宪司，为学，为城隍庙与兴义坊，民托焉；右前后悉庐舍和仁坊，民托焉；南门之外为凤翔桥，桥外为七峰，七峰之西为山川坛；东门之外沿小溪而北为演武场；小北门之外为邑厲；西门之上为了斋祠，为社稷坛，坛之前为豫章祠，规制视他邑较衍备焉。参旧志，详见城池。

县治图五




考

治自徙凤岗山迄元末，署毁于兵。国朝洪武二年，复建，寇又毁之，惟余樵楼。永乐元年，复建。正统十三年，邓寇又毁之。景泰元年，复建，草创弗称。成化五年，县尹张君泰改建，中为正堂、川堂，堂之后为燕堂，令廨接焉；堂之左为仪卫库，为幕厅，为丞廨，为东廊八程，吏户礼承发吏栖焉。廊之后为幕廨，廨之南为吏舍属乎。仪门而西为狱，对狱为土地祠，祠后为西廊八程，兵刑工吏栖焉。由廊而北为尉廨，并廨接乎。正堂为架阁。库西西廊折而西入为吏舍，正堂之中为甬道，为戒石铭亭，亭前为仪门，仪门之外樵楼，楼之左三程为阴阳学、为井、为申明亭，右为旌善亭、为碑、为医学，外为横街，缭以木栏对街，蔽以墙，墙之左为直街，接南门，其向坐无，已亥不专子午，盖随地势云。参据旧志，详见后。

庙学图七

考

沙之人材莫盛宋矣。道学、气节、政绩、文翰卓磊奇伟，辉映后先。虽人之杰，亦地灵然哉。自元迄今代不乏人，去宋也远矣，岂气固有消歇与。予辑志考宋学宫，在治西二百步许，栎为民居（按：“栎”通“拓”，开拓之意），无复可辨。今之学移于庆历年，考其时，群贤正此迭出。左兴国寺，面临七峰，街溪右背俱巷，道前之左右束于民舍，入门东折始达乎堂，兵火后失，故制久矣。堪舆家



谓其气散漫，予视之良，然欲更之，则无其所葺，易之则民舍不能去。厥费乡士大夫乐助之，盖无难者。岂其兴创，自有时欤？虽然地之销歇久矣，复而盛之，固在于今与。抑修人事，以应之与，是又师与儒者之责矣。沿革规度载卷内，不复备，因论其大端如此。